



SIMONIS PISTORII
OPPOLIENSIS SILESII,

Octernio Sextus.

NOBILI ET INGENUO PUERO,
JOANNI THEOPHILO MOSCOROVIO Magnifici D. HIERONYMI Moscorovii Filio,
oblatus.

Ad Lectorem.

Qui sacra legisti totiens Epigrammata nostra,
Nunc quoq; Lector amans, Disticha pauca legas.
Ut numeros damnes, tamen haud damnada putabis,
Quae comprehensa illis dat mea Musa tibi.





OPTIMÆ INDOLIS PUERO,
JOANNI THEOPHILO MOSCO-
ROVIO, Genorosi & Magnifici D. HIE-
RONYMI Moscorovii de Moscorovv
Filio, Salutem.

IANE Puer, MAGNI Spes jam nō parva PARENTIS,
Qui mirā Musas sedulitate colis.
Plus annis præstas, seu vis sermone soluto,
Seu vis imparibus scribere verba modis.
Nec puerile sonas, si quando fortè rogatus,
E CHRISTI verbū, aurea dicta refers.
Cresce annis, animo quantum ipso, IANULE, crescū,
Æmula præclari gemma future PATRIS.
Hæc pauca interea jucundo suscipe vultu.
Carmina, quæ tibi dat nostra Thalia. vale.

S. P.

OO
SIM

RE

Vera,
Chri

Vis ma
Duci

Si non d
Offici

Quid si
Quoa

Dicta F
Cord

Qua
Credent
Mors

Ille mib
A cu

✠✠✠

OCTERNIO SEXTVS
SIMONIS PISTORII OPPOL: SIL.

Primùm Regnum DEI.

RELLIGIO primùm cui divinissima cordi est,
Huic DEUS affatim cetera dona dabit.

In medio Virtus.

*Vera, profana nec est, nec (crede) superstitiosa,
Christi adum Pietas; inter utrumq; sita est.*

Nemo vi cogendus.

*Vis malesuada, Fidem quid quemquam cogis ad ipsam?
Duci, non cogi Spiritus intus amat.*

Frustra sine spe immortalitatis.

*Si non ducatur vite immortalis amore,
Officiùm frustra quisq; coactus agit.*

Ignorantia DEI.

*Quid sit Religio paucis nunc scitur, & hoc est,
Quod Pietas nulla est, aut simulata viget.*

Fides cur donum DEI.

*Dicta Fides ideò donum est; quia nulla fuisse
Corda, revelandam quæ meruere sibi.*

Quam prædestinationem agnoscat Scriptura.

*Credenti in Christum a seclis donata Salus est;
Mors decreta Malis perpes & interitus.*

Quis Dei timens.

*Ille mihi IOVÆ metuens, & justus habetur,
A cujus nunquam pectore Christus abest.*

Oſternio Sextus

In negotio ſalutis periculofa dilatio.

*Qui ſtudium differt pietatis de die in horas,
De corio ludit ſcilicet ille ſuo.*

Paritas Chriſtianorum.

*Quamvis diverſi ſint conditione ſtatūq;
Sunt tamen in Chriſto dives egensq; pares.*

Puritas.

*Omnis ſpurcicies, & ſtultiloquentia, cunctis
Vanus & a Sanctis debet abeſſe jocus.*

Evangelii præſtantia & vilitas.

*Cauſſa crucis Chriſti ſermo eſt, & cauſſa ſalutis,
Ergo hujus comes eſt hinc pudor, inde decor.*

Miſericordia Chriſti juſtorum aſylum.

*Spes mihi magna ſubeſt, cum Chriſti ſpecto favorem;
Cum mea facta noſco, ſpes mihi parva ſubeſt.*

Sua quemq; Fides juſtificat.

*Cede ſuperſtitio! propria nam vivet in ævum
Quisq; Fide; prodeſt haud aliena fides.*

Verus Chriſtianus.

*Pectore ſis ſanctus, ſis factis ſanctus & ore,
Si bonus & verus Chriſticola eſſe velis.*

Quid Deum flectat.

*Ira nequit IOVÆ flekti mortalibus auſis,
At lacrumâ & ſanctâ flektitur ille prece.*

Avaro nil ſtupidius.

*Demens in multos cupide quid rem ſtruis annos,
Spes tibi? qui neſcis quid ferat hora ſequens.*

Quis

Simonis Pistorii Oppol: Sil.

Quis beatus.

*Thoma, ardes Christum, visum post fata ! beatus
Non usurpatum lumine quis quis amat.*

Sine quâ non.

*Non sunt caussa quidem meritoria sancta salutis
Facta; at sunt sine quâ non datur alma Salus.*

Salutem cum conditione dari.

*Offertur gratis, sed non datur absq; labore:
Hinc donum, & merces, vita beata cluit.*

Labore merces.

*Nil agis & palmam vis, barde? Laboribus absq;
Nil datur: his vendit sed sua dona Deus.*

Charitatem Fide, & Spe majorem esse.

*Magna Fides, & Spes magna est, Dilectio major.
Causa, quod hæc finem non habitura suam.*

Dilectio.

*Vt cibus insulsus: sunt cruda ingrataq; cuncta
Christicolûm, desit si socialis amor.*

Omnis caro fœnum.

*Graminis est instar vita hæc, & gloria floris;
Quàm citò dispercut, tam citò & ista cadunt.*

Verbum otiosum.

*Non bona qui fatur, nil vé edificantiâ verba,
His dignas pœnas garrulus iste dabit.*

Fides efficax per charitatem.

*Nunc nihil ad veram faciunt externa salutem,
Sola sed in Christum prædita amore fides.*

Octernio Sextus

Caritatis proprietas.

*Rixarum fons est odium, fomesq; malarum,
Sed peccata tegit plurima verus amor.*

Facilis descensus Averni.

*In præceptis via lata patet, quæ ducit in Orcum:
Arcta sed in cælum quæ vocat, alta tenet.*

Apostata canis instar.

*Perfidus ut canis est: namq; ille revertitur acta
Ad sua fœda iterum, ceu canis ad vomitum.*

Præstat a Deo commendari.

*Laudari satis est haud à mortalibus ægris,
Quæ venit à lovâ laus, ea vera venit.*

Angeli quo gaudent.

*Cælicolùm sanctas vis exhilarare cohortes?
Peccatis valedic: rem pietatis age.*

Christus *καὶ ἐστὶν ἡμῶν.*

*Sensa animi Christus scrutatur. hypocrita quare
Aut malus ante ipsum, quisquis es, esse cave.*

Solus Deus metuendus.

*Decipitur quicumq; homines putat esse timendos,
Præstat cœlestem velle timere Deum.*

In cultores imaginum.

*Vile fuit nuper fragmentum & inutile lignum,
Effigies colitur nunc fabrefacta manu.*

Superbiam sequitur ruina.

*Alti corde ruunt, humiles tolluntur in altum;
Elige nunc utro de numero esse velis.*

Christus

Simonis Pistorii Oppol: Sil.

Christus lapis angularis.

*In lapidem positus Malefidis Christus acutum,
Ire per hunc noli, si sapias, omen habes.*

Cum Deo omnia.

*Concipe vota Deo, siquid tibi desit, habebis
Cuncta favente Deo, nil renuente Deo.*

Ex abundantia cordis os loquitur.

*Mens quibus internis abscondita rebus abundat,
His sese externo prodit aperta sono.*

Beatius est dare, quàm accipere.

*Danti promissa est merces, nulla accipientis;
Dansq; beator hinc accipiente Vir est.*

De crastino ne solliciti.

*Omnia habet sua vita Dies, curasq; recentes,
Ergo futurarum, nunc tua, liber, age.*

Qualia nunc & futura corpora.

*Nunc redit in nihilum corpus mortale, deinde
Credenti, Christus Spirituale dabit.*

Nec facienda, nec dicenda turpia.

*Christicola es, sed vana patras, sed vana profaris,
Falleris! hand verus Christicola ista facit.*

In alienis curiosi.

*Nil propè talpa vides in re que perinet ad te,
Quæ spectant alios, lynceus ista notas!*

Pietas suâ sorte contenta.

*Contenta est virtus Pietas, & semper amictu;
Sola sed impietas nescit habere modum.*

Oftertio Sextus

Vita vapor.

*Vita quid est hominum? vapor est evanidus, aut si
Fortè illo quidquam vanius esse potest.*

Deus non accipit Personas.

*Cùm pœnas infert, personas haud Deus ullas
Respicit. Ergo reus criminis esse cave.*

Bona opera ad salutem necessaria.

*Errat, nil facere ad vitam pia facta perennem
Qui putat, hac danda est conditione salus.*

Si innocenter.

*Es pius & pateris! laus est tua maxima: sed si
Es malus, & pateris; gloria vana tua est.*

Causa salutis & interitus.

*Salvantur, Ratio quos illustrata gubernat;
Intereunt, sed quos cæca Libido trahit.*

Deus non ita velox ad pœnas, ut nos ad peccata.
*Nos velut ad lapsus, tam præceps esset in iras
Si Deus, hoc dudum nullus in orbe foret.*

Quid me persequeris?

*Christicolas qui persequitur (res mira relatu)
Persequitur Christum nescius, immò Deum.*

Via salutis.

*Vivere de Christi præscripto, adversaq; ferre,
Hac ire ad Cælos conditione datur.*

Laborandum in Domino semper.

*Vive Deo, cùm tanta tibi sit cognita merces,
Perdiderit nullum jam tua vita diem.*

Nobilis

Nobilis ultio.

*Conari malefacta Viri benevincere factis,
Est ulciscendi nobile, crede, genus.*

Christus scrutans corda.

*Non externa modò, sed respicit intima Iudex
Christus, & hinc purum pectus habere stude.*

Summum Bonum.

*Commoda sint aliis, & honos, præsensq; voluptas:
Sola mihi est summum, vita futura Bonum.*

Nil ad vim mortis.

*Dum mors accelerat, tu sive Machaonas omnes
Orbe voces toto, nil facis, illa facit.*

Qui perseveraverit.

*Non bene qui cæpit, sed qui bene finit, hæres
Æternæ, Christo teste, salutis erit.*

Ex Deo geniti.

*Haud prodest ortus ex ipsis ducere Sanctis,
sed nasci loca de Genitore beat.*

Thesaurus in cælis.

*Quæ das pauperibus divina reponis in Astra;
Hæc tantùm servas, cætera perdis Homo.*

Quid polluat.

*Polluit hoc tantùm, quod corde erupit in actum,
Non is, qui sumptus prodit in ora, cibus.*

Cernit Deus omnia vindex.

*Omnia cum facias peccans, ut fallere possis,
Fallere nos aliquâ, non potes arte Deum.*

Oſternio Sextus

Non eſt acceptus in Patria Propheta.
Ede apud ignotos, ſi quæ potes edere facta;
In patria ferri nemo Propheta poteſt.

In diſputatores.
Litigioſus homo eſt, Chriſtum ut credaris amare:
Hoc non ſit verbis: qui pius eſt, iſ amat.

Discordia.
Funditus evertit glifcens discordia regnum,
Contiguasq; domos Lis odioſa quatit.

Sola pietas æterna.
Indomitæ juri ſunt omnia ſubdita Mortis,
Iuſſa Dei, æternùm, qui facit, ille manet.

Ad præſcriptum Chriſti vivendum.
Ardua, Chriſte, tuo de voto vivere res eſt;
Ardua ſit quamvis res ea, ſola beat.

Solida Pietas expers oſtentationis.
Affectat quisquis dici pius, atq; videri,
Ille mihi verè nil pietatis habet.

Colloquia prava.
Inſciunt mentes hominum dicitia prava,
Eſſe animo ſanus qui cupis, iſta cave.

Cur Mali plures Bonis.
Hic habet Impietas, Pietatis præmia differt
Iova; hinc eſt, rarus quòd pietatis amans.

Chriſti filiationis cauſæ.

I.

Auræ divinæ vi Virginis extitit alvo
Chriſtus, & hinc Gnatus dicitur eſſe D & I.

Simonis Pistorii Oppol: Sil.

2.

*Donorum cumulo, mensuram præter, adauctus,
Dicitur hinc merito Filius, estq; DEI.*

3.

*Rex immortalis par factus in Æthere IOVÆ,
Inde DEI omnino est filius, immò Deus.*

Propter similitudinem cum Deo dici-
mur filii DEI.

*Vt morum paritas, sic participatio diæ
Nature, Gnatos nos facit esse DEI.*

Per sanctitatem ad immortalitatem.

*Nullus erit Vitæ par immortalis honore,
Dissimilis fuerit si bonitate Deo.*

Fides.

*Promissis confisa Dei, vestigia Christi,
Mandato fungens munere, pone sequor.*

Spes.

*Ad Christum penetrans ipsum, desidero summum
Corde Bonum; quamvis hic maris unda tonet.*

Charitas.

*Vivo DEO moriorq; ; mori pro fratre paciscor;
Hostibus, & cunctis utilis esse volo.*

Patientia.

*Vndiq; circumfusa malis, sine fine, fatigor,
Persto tamen constans in statione meâ.*

Victoria.

*Qui pedibus Sathanam conculcat et omnia Mundi,
Is victor digni cur mereatur habet.*

Trophæum

Octurnio Sextus

Trophæum.

*Militiæ hic locus est, bene qui jam militat, ille
Dux factus cælo digna Trophæa geret.*

Triumphus.

*Fas erit insignem canere hinc de morte Triumphum,
Corpora nostra Deus quum rediviva dabit.*

Victori Corona.

*Non Lauri è foliis victoris tempora cinget,
Verum immortalis facta Corona Bono.*

Sapiens quis?

*Sic ducens Vitam, quò ducere possit in ævum,
Hic meritò nomen Vir sapientis habet.*

Rarus quis?

*Concertant sancta de religione frequentes:
Qui studeat sanctè vivere, rarus erit.*

Lata via ad Interitum.

*Ad quem lata via est, facilis descensus Averni;
Hinc studet ergò gradum qui revocare, sapit*

Felix quis?

*Hunc puto felicem, cui mens est Conscia recti;
Nam nihil hic unquam, quod vereatur, habet.*

Merces pietatis.

*Thesbiten & Enoch rapuerunt sidera vivos;
Mercedem Virtus hanc utriusq; tulit.*

Novum Fædus.

*Morte novum Christus sancivit Fædus, & hoc est:
Non fore damnandos, quos jurat esse probos.*

N
Crede
Nen

Dira
Rap

Si pec
Fall
Ch

Vt sis
Chr

Hec es
Fid

Omnia
Seu

In C
Quid p
Olin

Solas
lan

Simonis Pistorii Oppol: Sil.

Non labor in Domino noster inanis erit.
Crede mihi, est operum pretium non vile bonorum,
Nempe his est anima vera parata salus.

Beati qui in Domino moriuntur.
Dira (fide majus) post funera Christus in Astra est
Raptus, & hinc mors est nulla timenda Piis.

Frustra impius, quamdiu impius, morte
Christi gaudet.

Si peccans ex morte capis solatia Christi,
Falleris est solis illa medela Piis.

Christi sanguis testatur, pœnitentibus remis-
sum iri peccata.

Vt sis securus pœnæ, si Crimina ponis,
Christi hoc testatur mors truculenta tibi.

In Christum credere quid sit?
Hæc est in Christum Fidei natura Potentem;
Fidere promissis, jussaq; sancta sequi.

Iudex Mundi Christus.

Omnia nunc præstat Christus, cui summa potestas,
Seu servare velit, perdere sive velit.

In Christo magnitudinē potentia Dei conspici.
Quid possit vis lata Dei, quin respice Christum,
Olim homo mortalis, nunc Deus Astra tenet.

Fideles per Christum resuscitandi.
Solas primitias Christum revocavit ab Orco
Iam Deus, à Christo est post revocanda seges.

Octernio Sextus

Iesus Christus servator animarum.
*Olim animam commendabas tute ipse leboræ,
Hanc tibi commendo nunc Ego, Christe, meam.*

Christum quis noscat?
*Non qui personam, sed divinissima Christi
Munia scit, Christum nosse putandus hic est.*

Orbis Christianus quid nunc agat.
*Officium Christi nemo propè scire laborat;
At de Persona litigat omnis homo.*

Christus enarrator mysterii æternæ salutis.
*Sint Christo grates! primo narrante Magistro
Quo secreta Dei pectora nosse licet.*

Argumenta divinæ veritatis ex parte Christi.
*Magna quidem Pietas est demonstratio veri:
Vis operum major: maxima Mortis opus.*

Ex parte Dei.
*Morte redux, virtute Dei, super astra locatus
Christus promissi est jam dator ipse sui.*

Christus cum Suis Vnum.
*Femina cum proprio Mare non ita jungitur arctè,
Ut Nos cum Christo copulat acer Amor.*

Inseparabilis conjunctio.
*Tale inter Nos est & Christum gluten amoris,
Inter quale Caput, Corpus & esse solet.*

Et sanctificans & sanctificati ex eodem.
*Ex Patre cum sanctis Christus proficiscitur Vno,
Iam Fratrum tales hinc habet ille loco.*

Christus

Simonis Pistorii Oppol: Sil.

Christus nostri gratiâ Dominus omnium.
*Astra Ipsa, & Terras, Orcum, Æquora; sub pede Chri-
Hæc nostræ causâ cuncta Salutis habet. (Ius*

Omnes inimici subijciendi Christo.
*Christe, regis clavum imperii quem, sentiet olim
Et Mors, & Sathanas, & maledicta Cohors.*

Complementum Christi gloriæ Salus Fidelium.
*Integra constabit tunc Christo & gloria facta,
Cum Nos ad sætâ Regna salute vehet.*

Christus subijciendus Deo.
*Imperia hæc quando reddet liberrima Christus,
Incipiet rursus subditus esse Deo.*

Deus erit omnia in omnibus.
*Hostibus edomitis, post Mundi funera, IOVA
In Christo, & sanctis omnia solus aget.*

Status æternæ vitæ.
*Tunc que sit rerum facies, & imago futura,
Christicola nec mens concipit ulla satis.*

Precatio Christianorum.
*Christe mane, Nox jungit equos tenebræq; sequuntur,
Vt sit Nobiscum Lux tua, Christe mane.*

Gaudium ferè præsupponit tristitiam.
*Gaudeat inventâ quare Muliercula dragmâ?
Qui nihil amisit, gaudet & ille nihil.*

Nemo innocens.
*Qui sanctum se lite putat convincere Iovam,
Fallitur; est Omnis noxius ante Deum.*

Oft: Sex: Simonis: Pift: Oppol: Sil.

Cum Christo omnia.

*Qui retinet Christum, in Domino tenet omnia Christo,
Sive Hecale pauper, sive sit Irus inops.*

Verbum DEI æternum.

*Alma manet superi vox IOVÆ, eademq; manebit
Semper; habet fines Vita caduca suos.*

Christus caput Ecclesiæ.

*Sufficit absq; Papa caput invisibile Christus;
Nam semper præstò est omnibus Ille suis.*

Idem caput qui servator.

*Qui salvare nequit, Caput is nequit esse; sed ille
Tantum, qui servat Corpus alitq; suum.*

Cur dicantur justii statim post mortem
esse cum Christo.

*Cum Christo extinctus cur mox pius esse putatur?
Quamvis longa, tamen tempora non numerat.*

